



Inatsisartut suleriaasiat § 37 malillugu, immikkoortoq 1 naapertorlugu matumuuna Naalakkersuisunut apeqquq imaattoq saqqummiuppara:

Naalakkersuisunut apeqquq:

- 1. Rubinit nunatsinniit ukiorpassuarni annissuunneqarsimasut kia pingai?**
- 2. Maannamut rubinit annissukkat qanoq kg-ingorlugit/tons-inngorlugit annertussuseqalerpat?**
- 3. Rubinit apeqquq 1-imi 2-imilu taaneqartut qaqugu nalilersorneqassappat?**
- 4. Rubinit nunatsinnut utertinneqarnissaat qulakkeerneqarsimavaa?**
- 5. Apeqquq qulaani taaneqartuni rubinit annissuunneqarnerannut atatillugu nunatta taakkununga piginnittuunera qulakkeerneqarsimavaa?**
- 6. Rubinit qulaani taaneqartut rubinit utertinneqarnissaat Naalakkersuisunit piumasarineqarsinnaavaa?**

(Inatsisartunut ilaasorta, Anthon Frederiksen, Partii Naleraq)

Tungavilersuut:

Siusinnerusukkulli § 37-ikut naalakkersuisunut apeqquqteqartarsimavugut, Qeqertarsuatsiaat eqqaani rubinit annissuunneqartut pillugit.

Kisianni uggornarluinnartumik suli maannamut ersarissumik tamakkiisumillu paasissutissinneqanngilagut, pingaartumik rubinit annissorneqartut qanoq naleqartiginersut aamma piginnittuunermut tunggassut eqqarsaatigalugit.

Nalunngilarput Qeqertarsuatsiaat eqqaani ujaqqanik pinneraasiassanik qulaani pineqartunik piianeq tunisassiornissarlu siunertaralugu annertuumik sulisoqarpoq, aamma nalunngilarput aasap ingerlanerani Suliffeqarfissuaq suliamik ingerlatsingaluartoq akiliisinnaajunnaarneq/ingerlaqqissinnaannginneq pissutigalugu unittoornikuusoq, kisianni Suliffeqarfissuup allap ingerlataq nangillugu sulineq ingerlatilersimavaa.

Taamaammatt apeqqutit qulaani taaneqartut ullut suliffiusut qulit qaangiutinnginnerini akineqarnissaat piumavarput.